

Grad Novi Pazar  
Skupština grada  
Odbornička grupa SDA Sandžaka  
Novi Pazar  
13. jun 2022. godine

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O OBAVEZONOM DOSTAVLJANJU I OBJAVLJIVANJU IZVJEŠTAJA O IZVRŠENJU BUDŽETA GRADA NOVOG PAZARA** , sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 14. juna 2022. godine.

**Predsjednik odborničke grupe**  
Ahmedin Škrijelj

## **PRIJEDLOG**

Na osnovu člana 76. Zakona o budžetskom sistemu ("Službeni glasnik RS", br. 54/2009, 73/2010, 101/2010, 101/2011, 93/2012, 62/2013, 63/2013 - ispr., 108/2013, 142/2014, 68/2015 - dr. zakon, 103/2015, 99/2016, 113/2017, 95/2018, 31/2019, 72/2019, 149/2020 i 118/2021), člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 27. člana 46. stav 1. tačka 77) i člana 147. Statuta grada Novog Pazara, („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 14. juna 2022. godine, donosi

### **ODLUKU**

#### **o obaveznom dostavljanju i objavljivanju izvještaja o izvršenju budžeta Grada Novog Pazara**

##### **Član 1.**

Obavezuje se Gradonačelnik da Skupštini grada dostavi na razmatranje izvještaj o izvršenju budžeta Grada Novog Pazara.

##### **Član 2.**

Izvještaj o izvršenju budžeta Grada Novog Pazara objaviće se na službenoj internet prezentaciji (web stranici) Grada Novog Pazara.

##### **Član 3.**

Ovu odluku objavit u "Službenom listu grada Novog Pazara".

### **SKUPŠTINA GRADA NOVOG PAZARA**

Broj:

U Novom Pazaru, 14. juna 2022. godine

**PREDSJEDNIK**

Dr. Anela Šemsović

## O B R A Z L O Ž E N J E:

### Pravni osnov za donošenje odluke:

Pravni osnov za donošenje ove odluke je sadržan je u:

- članu 76. Zakona o budžetskom sistemu
- članu 32. stav 1. tačka i 20), Zakona o lokalnoj samoupravi;
- članu 27. Statuta grada Novog Pazara;
- članu 46. stav 1. tačka 77) Statuta grada Novog Pazara;
- članu 147. Statuta grada Novog Pazara;
- članu 137. Poslovnika Skupštine grada Novog Pazara.

### Razlozi za donošenje odluke:

Donošenjem ove odluke implementira se princip transparentnosti i odgovornosti kada je u pitanju trošenje budžetskih sredstava od strane predstavnika gradske vlasti.

Ovom odlukom se takođe osigurava da Gradonačelnik podnese periodični izvještaj o izvršenju budžeta, na koji ga Zakon o budžetskom sistemu i Statut grada obavezuju, koji do sada nikada nije podnio.

Objavljivanjem tog izvještaja na internet prezentaciji Grada isti se stavlja na uvid i široj javnosti.

Raspolaganje budžetskim sredstvima koja su opšte i javno dobro, nosi sa sobom odgovornost i obavezu da se javnost redovno upozna sa načinom raspolaganja javnim sredstvima i budžetskom politikom koja znači vođenje analize djelovanja promjena u javnim prihodima i rashodima koji su vezani deficit ili suficit budžeta.

Usled činjenice da periodični izvještaj o izvršenju nikada nije dostavljen Skupštini grada niti je javnost upoznata

Podnošenjem ovog periodičnog izvještaja, dobijaju se mjerljivi parametri o uspješnosti i efikasnosti u pogledu ostvarivanja i izvršenja planiranog budžeta, za šta su do sada Skupština grada i javnost bili uskraćeni.

Usvajanjem ove odluke rad lokalne samouprave se vraća u zakonske okvire i primjenjuju principi odgovornog i domaćinskog odnosa prema sredstvima koja pripadaju isključivo građanima a nikako pojedincima ili političkim grupacijama.

### Objašnjenje pojedinačnih rješenja propisanih ovom odlukom:

**Član 1:** Utvrđena je obaveza Gradonačelniku da Skupštini dostavi na razmatranje izvještaj o izvršenju budžeta.

**Član 2:** Propisana je obaveza javnog objavljivanja izvještaja o izvršenju budžeta.

**Član 3:** Propisana je obaveza objavljivanja u ove odluke u „Službenom listu grada Novog Pazara“

**Finansijska sredstva za sprovođenje ove odluke obezbijediće se u budžetu Grada Novog Pazara.**

